

日還初欲以月晦還至是乃有是命○賜賻米豆百石于叅贊
議政府事金漢老漢老妻善慶宅主全氏卒全氏淑嬪之母也
上命世子依本朝服舅姑三十日之例○己亥月犯五車東
南星隔二寸許○庚子夜乾艮方有白氣又乾巽方有淡赤色
○賜臧獲二十口于朔寧郡上黨君李愛青原君沈淙上書請
於神懿王后本鄉朔寧加給奴婢從之○辛丑巽方有淡
赤氣○韋西郊觀放鷹○壬寅肆眚命日月令有二月省囚
圜去桎梏之文今當二月宜釋輕罪○癸卯上謁齊陵告
還都命飯僧七十于衍慶寺○上王至韋州羅庵寺沐浴因
放鷹七日而還○賜陳理妻李氏米十石○乙巳韋東郊觀獵
○丙午召還宦者金完○叅知議政府事尹思修卒思修海平
人同知密直邦晏之子中洪武癸亥丙科登華秩國初趙浚
為相器思修才智除禮曹正郎兼都評議使司經歷司都事陞
校書少監兼經歷歷諫議大夫散騎常侍猶仍經歷及浚罷相
思修亦免官卒已復左司諫大夫累轉吏曹左叅議乙酉拜代